

## احْلُفْكَ بِالْغَالِي

احْلُفْكَ بِالْغَالِي عِنْدِكَ      بلاش غرور وافتكري عهدك  
ولأ كلام قولتيه زمان      ونسيتيه ومكانش قصدك  
إنتي عُمرِك ماكنتي قاسيه      وكل حاجه فيكي راسيه  
افتكرِك لو كنتي ناسيه      ايه اللي غير بس طبعك

### احْلُفْكَ بِالْغَالِي عِنْدِكَ

ليه بتجيبني دايمًا في سيره      تقيد في قلبك نار وغيره  
تنتهي بحسره وحيره      ودموع بتجري سيل في خدك  
بُكرا حاضيع من إيديكي      الغيره مره مش حلوه ليكي  
مش حاقدر اصبر كثير عليكي      ولا حتى اعيش في الدنيا بعدك

### احْلُفْكَ بِالْغَالِي عِنْدِكَ

شكك مايعمرش بيت      وبنار غيرتك ياما انكويت  
ولا مره جيت منك شكيت      وانتني اللي عايشه فيه لوحدك  
رغم عذابي لسه شاريكي      وقلبي دايب من حبه فيكي  
لو ترجعي لعهدي بيكي      حتلاقي حبي تحت امرك

### احْلُفْكَ بِالْغَالِي عِنْدِكَ